

جَزِيرَةُ مَحَاكِمَتِ

جمعه ايرتسى

نومرو ۸۴۵ جمادى الاول ۷ سنه ۱۳۱۳ تشرین اول ۱۴ سنه ۱۳۱۱ صحیفه ۱۱۸۳۷

(اشبو غزته بهر هفته جمعه ايرتسى كونلرى چيقار . سنه لىك درسعات ايجون مجديه يكرمى فروش)
 (حسابيله التمش فروشدر . طشره لر ايجون اون بش فروش پوسته اجرتى ضم اولنور . بهر)
 (نسخسى ينه مجديه يكرمى فروش اولق اوزره يوزپاره يه هر پرده صابيلور . درج اولنه جق)
 (اعلاناك هر برندن بر مجديه اخذ اولنور . سنه لىك مشترى اولق استيانلر عدليه نظارنى)
 (دأره سنده كان جریده محاکم اداره سنه مراجعت ایللیدر)

محكوم اولوب حكملرى اكتساب قطعيت ايليان
 مجرمينك اصول محاکمات جزائيه قانونى احكامنه
 توفيقاً نظارتجه موقع جزالرى تعين ايديله رك
 اورايه سوق اولنلرى اشعار اولنمقده اولدينى
 وبومثلاو مجرمينك تعين اولنان كورك موقعنه
 مدت جزائيه لرى مصدقيت حكملرى كوسترن
 اوراق قانونيه ايله برابر نقل ايدلملرى ايجاب
 مصلحتدن بولندينى حالده بعض طرفدن وقوع
 بولان اشعارادن منقهم اولديغنه كوره كورك
 جزاسيله محكوم اولان كسانك يالكيز اعدادينى
 ميين برضايله دفتريله سوق واعزام اولنمسندينناشى

قسمنامه

(فى ۲۲ ربيع الاول سنه ۳۱۳ و فى ۳۱)
 (اغستوس سنه ۳۱۱ تاريخيله بالمله ولايات)
 (استيناف محكمه سى مدعى عموميلرينه ومدعى)
 (عمومى بولمیان محالمدعى عمومى معاونلرينه)
 (يازيلان تخريرات عموميه صورتيدر)

بش سنه دن زياده مدته كورك جزاسيله

حبسخانه مدیرلری جانبندن بالطبع محل ورود-
 لرینه اعاده لرینه مجبوریست حاصل اولدوقدن بشقه
 مجرمینک امر سوقلرنجه مکرر وزاند مصارف
 اختیارینه سبیت و برلمکده اولدینی کبی بو مثللو
 اشخاصک اوراق عدلیه سیله منتظماً سوق
 اولمیدینی حالده انلری قبول ایده جک حبسخانه-
 جه مدت جزائی لرینک زمان انقضاسی معلوم
 اوله مامق و محل سوقلری مأمورین عدلیه سیله
 مخبریه حاصل اولان احتیاج یوزندن مدت
 محکومیتدن زیاده محبوسیت وقوع بولوق کبی بعض
 محاذیر دخی نحدث ایده جکی جهتله بوصورتک
 اصلاحی مرتبه الزمیتده بولندیقنه منی بعد ما
 کورک موقع لرینه سوق اولملری ایجاب ایدن
 اشخاصک حقلرنده صادر اولان محکمه تمیز
 اعلاماتیله برلکده اعزام اولملری لزومی هر
 طرفه تعمیماً تبلیغ و اشعار اولتمش و اشبو
 تحریرات عمومینک نسخ مطبوعه کافیه سی دخی
 لفاً طرف بهیله لرینه تسیار قلتمش اولقله مأموریت
 بهیله لرینجه ده بر منوال محرر ایضای معامله به اعتنا
 اولتمسی سیاقنده شقه مخصوصه ترقیمنه ابتدار
 اولندی .

قسم غیر رسمی

بور دور بدایت محکمه سندن ۲۵ خزران
 سنه ۳۰۴ تاریخی و اون یدی عددی ایله ویریلان
 اعلامک تمیزینی مالیه خزینه جلیله سنه اضافه
 بور دور حکومتی دعوی و کیلی تریا و استان
 اقدی طرفندن با عرضحال استدا اولتمش و یوم
 معینده خزینه مشار الیها جانبندن رحمی اقدی
 وکالة دائره ککش ایسه ده مدعی علیه بور دور
 حاجی عمر محله سنده ساکن حافظ شا کر افندن
 کلدیکندن وکیل مومی الیهک ایضاحات شفاهه-
 سیله باش مدعی عمومی معاونلرندن سعادتو
 یور فاکی اقدینک مطالبه سی استماع اولدوقدن
 صکره تدقیقات تمیزیه اجراسنه ابتدار اولندی .

اعلام مذکورک خلاصه مالی مومی الیه
 حافظ شا کر اقدینک عهده التزامنده بولن
 کولحصار قریه سنک طقسان بش سنه سی اعشاری
 بدلندن طولایی خزینه جلیله جانبندن اقدجه
 علیهنده اقامه اولمان دعوی اوزرینه اولبایده
 جانب محکمه دن تعیین قلنان میزلرک و پرش

اولدقاری راپور موجبجه دینی بولنان بش بیک
 سکز یوز بر غروشک محلی مال صندوقه تسلیم
 ایلدیکی الی بیک یوز بر بچق غروشدن بالتزیل
 فضله تسلیماتی اولان ایکوز طقسان طقوز غروش
 اوتوز پاره ایله خزینه جلیله نک ذخائر معلومه سی
 اوزرینه وضع ید ابتدیکی تاریخدن اعتباراً دین
 واقع حقنده کندوسندن تحصیل اولنان التمش
 الی کونلک بیک التیوز اوج غروش فائضک
 و اولبایده کی دین سندنیک استردادینی طلب
 ودعوی ایتمسی و عند الحاکمه خزینه و کیلی دخی
 ملترم مومی الیهک تسلیم صندوق ابتدیکی مذکور
 الی بیک یوز بر بچق غروش تماماً دینی اولوب
 بونک بر کونه فضله سی بولمیدینی کبی خزینه
 جلیله نک مبلغ مذکور فائضی اوله رق افندی
 مومی الیه ذمتنده درت بیک التیوز التمش بر
 غروش دها الاجفی بولندیقندن بخله بونک دخی
 مومی الیه دن تحصیل لازم کله جکینی مدافعه
 درمیان ایله بر قطعه مقاوله سندی ابراز و ارائه
 ایتمسی اوزرینه جریان ایدن تدقیقات نتیجه سنده
 ملترم مومی الیهک دینی الی بیک یوز بر بچق
 غروش اولیوب بش بیک سکز یوز بر غروش
 ایذوکی جلب و مطالعه اولنان مذکور راپور
 مندرجاتندن و مبلغ مذکور محسوباً میون

مومی الیه طرفندن تسویه اولنان سالف الذکر
 اچقه تزیل اولدوقده ایکوز طقسان طقوز غروش
 اوتوز پاره فضله تسلیماتی اولدینی تحقیقات
 واقعندن مستبان اولسنه و خزینه و کیلنک طلب
 ایلدیکی مذکور درت بیک کسور غروش
 گذشته یه یوریدیلان گذشته دن عبارت اولوب
 مذکور مقاوله نامه ده ایسه بوکا دائر بر کونه
 صراحت بولمایدقنه بناءً خزینه مشار الیها
 و کیلنک رد مدافعه سیله مزبور ایکوز طقسان
 طقوز غروش اوتوز پاره فضله تسلیماتک تصفیة
 دیون تحویلی اوله رق مال سندیقندن بالتحصیل
 اولبایده کی دین سندیله معاً ملترم مومی الیه
 اعاده سنه و بدل التزامی و قتیله ایضا ایده مامسندن
 طولایی ذخیره سنک مهر تحته النان تاریخندن
 فروخته دکن کذران ایدن مدت ایچون
 یوریدیلان گذشته نک تزیلی حقنده ملترم مومی
 الیهک درمیان ایلدیکی ادعا نک دخی ردینه
 حکمدن و مستدعی خزینه مشار الیها و کیلی
 رحمی اقدینک اشبو قرار علیهنده کی اعتراض-
 تنک خلاصه سی حکمه اساس اتخا ایدیلان
 راپور دعوی واقعه یه مدار استناد اوله میه جنی
 درکار ایکن محکمه جه بوراسنه دقت اولنامسی
 و حکم مذکورک بر ماده قانونیه استناد ایدلما

موسی و موسی الیه شا کر افندیك تسلیات
 واقعه سنندن بشقه خزینه جلیله به بش بیك
 اوچیوز سگسان طقوز غروش بورجی قالدینی
 مدافعه در میان ایدلیدیکی حالده اشبو مدافعهك
 دخی نظر دفته النامسی و ماتزم موسی الیهدن
 طلب اولنان قانض حقهده بر کونه مقاوله اولوب
 اولمدینی تدقیق ایدلکسزین اولبابده کی ادعانك
 ردینه قرار ویرلسی مخالف قانون اولدیغندن
 بحمله اعلامك تقضی استمداسنندن ومدعی علیه
 شا کر افندیك لایحه سننده محرر نتیجه جوانی
 اعتراضات واقعهك واهی ایدوکی بیانیه موافق
 قانون اولان اعلامك تصدیق طلبندن ومعاون
 موسی الیهك مطالعه سیدخی دعوی واقعه اولجه
 اقامه اولنهرق میزله حواله ایدلمش ومیزلر
 طرفندن راپور تنظیم اولمش اولسنه کوره دوام
 محاکمه ابله راپور حقهده برقرار ویرلمك لازم
 کلور ایکن یکیدن اقامه اولنان دعوی اوزرینه
 دعوی اولتمش اولدیغنه منبی اعتراضات واقعهك
 موافق قانون اولدینی بیانندن عبارت بولنمشدر.
 ایجابی لدی المذاکره اعلام مذکورک نتیجه
 مالی موسی الیه شا کر افندیك کولحصار قریه سی
 اعشاری بدل التزامندن دینی اولدینی تبین ایدن
 مبالغدن قضله تسلیاتی اولان ایکوز طقسان
 طقوز غروش اوتوز باره نك اولبابده کی دین

در سعادت بدایت محکمه سی برنجی حقوق
 دائره سنندن ۱۴ تشرین اول سنه ۳۰۸ تاریخی
 ودر تیوز اون اتی عددی ابله صادر اولان
 اعلامك تمیزخی استمدعا ایدن فنارده پارمق قبوده
 یوز قرق بر نومرولی خانهده مقیم لوقنطه جی
 واسیل دکلا واستانبولده قوسقهده یوز اوتوز
 درت نومرولی خانهده ساکن شایه جی دیمتری
 مادریدینک وکیلی قسطاکی افندی یوم معینده
 دائره به کلش ایسهده میز علیه غلطهده بیوک یکی
 ملت خاننده التمش طقوز نومرولی اوطهده مقیم
 روم خسته خانه لزی اداره مجلس مشاوری
 مانولاکی قوادا کلدیکنندن یالکز وکیل موسی
 الیهك ایضاحات شفاهی سیله باش مدعی عمومی
 معاونلرندن سعادتلو طلعت بک افندیك مطالعه
 سی استماع قلندقدنصکره تدقیقات تمیزیه اجراسنه
 ابتدار اولندی .

اعلام مذکورک خلاصه مالی روم
 خسته خانه سی عقارتندن بولنان فنارده کره مید
 محله سننده اوتوز درت نومرولی خانه نك بدل
 ایجارندن طولایی مرقوم واسیل دکلانک دینی
 اولان طقوز بیجق عدد ایرای عثمانی اونیدی غروشله
 انقضای مدت ایجار اولان ۳۰ اغستوس سنه ۳۰۶

تاریخندن ماجورک تسلیسی تاریخنه دکن کذران
 ایده جک ایامک بهر کونی ایچون اون بش
 غروشندن تراکم ایده جک مبالغک تأمین استیفاسی
 ایچون مستأجر مرقومک بقیچه قبوسنده کاشن
 لوقنطه سننده بولنان یکرمی لیرالق مالیه مذکور
 خانه ده بولنان اشیاسی تحت حجزه التمش اولدینی
 بیانیه حجزه موضوعک تصدیقوله اموال و اشیای
 مذکورک نك فروخت ایتدیر یلوب اثمانندن
 مبالغ مذکورک نك تحصیل مرقومک مانولاکی
 قوادا وکیلی میشل شهلیدادی طرفندن طلب
 ودعوی وبرقطعه حجز نامه ابراز واعطا ایدلسی
 اوزرینه مستأجر مرقوم واسیلک والده سی
 اولوب اولصره ده داخل دعوی اولان اغا پاک
 قادین مرقوم قوادا طرفندن تحت حجزه التان خانه
 اشیاسی مرقوم واسیلک اولیوب مستقلاً قیزلرک
 مالی اولدینی و دیمتری دخی لوقنطهده محجوز
 اشیاکندوسننک بولندیغنی بالیسان حجز واقمک
 فکنی طلب وادعا ومدعی علیه مرقوم واسیل
 دکلا دخی مدعی مانولاکی ماجور مذکورک
 متصرفی اولمدینی کبی روم خسته خانه لری
 طرفندن دخی وکیل اولمدینی جهته دعوی
 واقعهك اقامه سی طوغریدن طوغری به خزینه
 اوقاف هابونه عائد بولنمقله برابر بدل ایجارک

کندوسی قره میدی استاوراکی نام کیمسه به اعطا ایتمه کده اولدیغندن مرقوم قوادانک کندوسندن حبه واحده مطالبه سنه صلاحیتی اولدیغنی مدافعه بیان وانبا ایدرک مذکور لوقطه ده کی اشیانک مزبور دیمترینک مالی اولوب واسیل جانبندن استیجار قلندیغنی همین بر قطعه مقاله نامه ابراز اولنش ایسه ده اتنای چزده مزبوره اغایی قادین جانبندن چزک تصدیقی حالده مبلغ مدعا بهک تأدیه سند کفالت ایلدیکی کبی مزبوره اغایی دخی مرقوم دیمترینک کفالت ایلدیکی مدعی وموچر مرقوم مانولا کینک ادعای اوزرینه دائره اجرادن جاب وتدقیق اولنان کفالتنامه مندرجاتندن اکلشلمش اولسنه مبنی مذکور دکانده کی اشیانک واسیلک وکرک مدعینک برادری دیمترینک اولسون اشبو دعوا دن طولایی اصالت و کفالتی جهته هراوچینک مسئولیتلی احکام مجله اقتضاسندن بولنش اولدیغندن مدیون مرقوم واسیله وادای دین ایده مدیکی صورتده کفیلی اغایی قادینه وانک دخی تأدیه دین ایده مدیکی تقدیرده کفیلی بولنان مخدومی دیمتری به بالراجه مبلغ مدعا بهک اندن تحصیل اولنقی اوزره چز موضوعک تصدیقنه حکمدن وهستدعیان مرقومان واسیل ودیمترینک وکبلی قسطاکی اقدینک اشبو حکم علیهنده باشلوجه اعتراضی دعوای واقعه بدل ایجار طلبندن عبارت اولوب بویابده کی عقدک رسمی مقاله نامه به مربوط اولدیغنی جهته محکمه جه مدعیدن اصولاً لازم کلان جزای تقدینک اخذ واستیفا قلندقدنصکره دعوانک استماعی لازم کاور ایکن محکمه جه بوجهته دقت اولنامسی وتعلقنه مبنی محاکمه نك هر بر قطعه سنده مدعی عمومینک حاضر بولندیرلمسی ایجاب ایدر ایکن یالکز محاکمه نك ختام بوله جنی صروده حاضر بولندیرر یلهرق مطالعه سنه مراجعتله اکتفاقلنمسی وموچر عد ایدیلان مرقوم قوادانک روم خسته خانمسی طرفندن بر کونا وکالت وصفتی اولمدقدن بشقه ماچور مذکورک دخی متصرفی بولنامسنه مبنی بویابده کی عقدک قانوناً حکمسنر لکی طبیعی بولندیغنی حالده حکمک کفیل دیمتری به دخی تشمیل ایلمسی مغایر قانون اولدیغندن بحمله اعلامک نقضی ومیز علیه مانولا کی قوادانک لایحه سنده محرر اجوبه سی مبلغ مدعا بهک تحصیلنی حاوی مقدمه محکمه مرقومه دن برقطعه اعلام استحصال ایدیلرک حکمی کسب قطعیت ایتسنه مبنی هر حالده اصل ایله کفیلان مرقومانک مسئولیتلی بدیهی اولدیغنی کبی عقد ایجارک

رسمی قونطورا تویه مربوط اولمامسندن طولایی لازم کلان جزای تقدیمی دخی کسب قطعیت ایدن اعلامده محرر اولدیغنی وجهله اولجه محکمه جه اخذ ایدلدیکی وکندوسیله وکیلنک صفت ودرجه وکالتلی تدقیق وتحقیق ایدلدکدنصکره محاکمه به کیریشلمش اولدیغنی بیانیله اعتراضات واقعه نك ردی وموافق اصول وقانون اولان اعلامک تصدیقی طلبندن ومعاون موخی الیهک مطالعه سی دخی ماچور منازع فیهک روم خسته خانمسنه قائدی ادعا اولنش ایکن موچر دنیلان شخصک صفتی بالتحقیق عقد ایجارک مجله نك درتیوز قرق التنجی ماده سی احکامنجه شرائط نقادی حائز اولوب اولدیغنی نظر اعتباره التماس ووکیلک دخی مأذونیت ووکالتی تصریح قلنامش ودعوای چز یالکز مستأجر علیهنده اولدیغنی وکفیللر حقنده طلب سبق ایتدیگی حالده بونک دخی بلادعوی تشمیل حکم ایدلمش وایجار مدعا به رسمی قونطورا تویه مربوط اولدیغنی حالده ایجاب ایدن جزای تقدی التماس اولسنه مبنی اعتراضات واقعه نك موافق قانون اولدیغنی بیاندن عبارت بولنمشدر.

ایجابی لدی المذاکره تمیزی طلب اولنان

اعلام مذکور مألندن مستبان اولدیغنی اوزره دعوای واقعه روم خسته خانمسی عقاراتندن بولنان بر باب خانه نك بدل ایجاری طلبندن عبارت اولسنه نظراً جریان ایده جک محاکمه نك هر دفعه سنده مدعی عمومینک حاضر بولندیرلمسی مقتضیات قانونیه دن اولدیغنی حالده یالکز ختام محاکمه صره سنده حاضر بولندیرلمقله اکتفا ایلمسی واساس دعوی عقد ایجاره متعلق اولمسندن ناشی عقد مذکوره دائر بر کونا قونطورا تو اولوب اولدیغنه تعرض اولنامسی وبدایه مدعی بولنان مرقوم مانولا کی روم خسته خانمسنه اضافتله اقامه دعوی ایلدیکی حالده بویابده کی صفتی تدقیق وعقد ایجارک مجله نك درتیوز قرق التنجی ماده سی موجبجه شرائط نقادی حائز اولوب اولدیغنسک تحقیق قلنامسی ومدعی طرفندن اجرای وکالت ایدن میشل شهیادی اقدینک درجه مأذونیت ووکالتی اعلامده تصریح وبیان قلنامش اولدیغنی کبی دعوای مذکوره یالکز واسیل علیهنده اقامه اولدیغنی وکفیللر حقنده بر کونه طلب وادعا سبق ایتدیگی حالده بلادعوی حکمک انلره دخی تشمیل ایلمسی وعقد ایجارک رسمی قونطورا تویه مربوط اولدیغندن طولایی قانوناً اخذی لازم

کلان جزای تقدینک دخی استیفا قلنامسی قانونه
مغایر ومسته عینک اعتراضاتیه معاون مومی
ایهک مطالعہسی موافق نفس الامر کورنمش
اولدیفنه مبنی اصول محاکمہ حقوقیه قانوننک
ایکیوز اوتوز ایکنجی وایکیوز قرق برنجی
ماده لری موجینجه اعلام مذ کورک تقضیلہ
قانون مذ کورک ایکیوز قرق درنجی مادهسی
حکمنه توقیفاً کیفیتک صور مشروحہ دائرہسندہ
یکیدن بالرؤیہ اعلامہ ربطی ضمنندہ محکمہ
مرقومہیہ اعادہسنہ وزیردہ مفرداتی مرقم درتیوز
درت بچق غروش مصارف تمیزیه نک ایلرودہ
حقسز چیقہ جق طرفہ رجوع ایتمک اوزرہ اول
امردہ مستدعی مرقومان واسیل ودمیتیدن
اخذ واستیفا سنہ ۲۲ حزیران سنہ ۳۰۹ تاریخندہ
متفقاً قرار ویریلرک تفہیم قلندی .

ار کری بدایت محکمہ سنندن ۱۷ ایلول
سنہ ۳۰۶ تاریخی و اوتوز یدی عددی ایله
اعطا قلنان اعلامک تمیزی استدا ایدن ار کر-
ینک منالات محلہسندہ ساکن راشد افندی

غوریجه زاده سلدی وعبدول افندیلر وکیلی
رشید افندی یوم معینده دائرہیہ کلش ایسده
بمز علیہ محله مذ کورده مقیم ملکیه قائمقا
ملغندن مفصل عبد الواحد افندی کلامش
اولدیفندن یالکنز مستدعیلر وکیلنک ایضاحات
شفاهیسی استماع قلندی .

اعلام مذ کورک خلاصه مالی مومی ایله
عبدالواحد افندی ایله برادری ومومی ایهما
سلدی وعبدول افندیلرک مورثی متوفی راشد
افندیلرک پدرلری متوفی سیدی غوریجه دن
انتقالاً متصرف اولدقلری معلوم الحدود
والقطعات اراضیده کی نصف حصه سنہ برادر
زاده لری مومی ایهما سلدی وعبدول افندیلرک
وقوعبولان مداخله لرینک منعیله اراضی مذ کوره
حاصلاتندن کندوسنه عائد اولان مبالغ معلومه نک
تحصیلی حقیقه مومی ایله عبد الواحد افندی
جانبدن اقامه اولنان دعوی اوزرینه محکمہ نک
تسبی و طرفینک موافقتیه تعیین وانتخاب اولنان
وویره جکلری حکم علیهنده استیناف وتمیز
ایدلامسی مشروط اولان حکملر جانبدن محکمہ یه
ویریلان تقریرده طرفینک قبول وموافقترینه
مستدا مومی ایله عبد الواحد افندیلرک باسند

دینی بولنان مبالغ معلومه بی بلا فائض مدعی
علیهمه تأدیہ وایفا ابتدکی صورتده مدعی علیهم
جانبدن دخی اراضی مذ کورده افندی مومی
ایهک حصه سنک بلا حاصلات کندوسنه تسلیم
ایدلمسی قرار لشدیرباش اولدینی کوسترلمش
اولسنه مبنی اولوجهله مامله اولنمق اوزرہ
تقریر مذ کور مندرجاتنک تصدیقه حکمدن
ومستدعیلر وکیلنک اشبو حکم علیهنده کی اعتراف
ضاتنک باشلوجهسی بومقوله اراضی دعوا لرینک
حکملر معرفتیه رؤیتنه مساع قانونی اولیوب
اولسه بیله حکملرک اتنای رؤیت دعواده اراضی
مأمورینی حاضر بولندرملری لازم کلور ایکن
بوراسنه دقت اولنامسی قانونه مغایر اولدیفندن
بجمله اعلامک تقضی استدعاسندن ومیز علیہ
عبد الواحد افندیلرک لایحهسندہ محرر نتیجه
جوابی دخی دعوا ی واقعه طرفیندن بالرضا
انتخاب اولنان حکملر معرفتیه رؤیت اولنهرق
ویریلرک حکمک قابل استیناف وتمیز اولیه جنی
دخی شرط اتخاذ قلنمش اولسبیلہ دعواک قابل
تمیز اولدینی کی کندوسنه منازع فیہ اولان
اراضینک حاصلاتی دخی دعوی ایتمسنه نظراً
حکملرک رؤیت دعوی ایتملری قانونه موافق
واتنای محاکمهده اراضی مأمورینک حاضر بولند

ینی مندرجات اعلام ایله متحقق اولدینی بیانیله
اعتراضات مذ کورہ نک ردی واعلامک تصدیقی
طابندن عبارتدر .

ایجابی مذاکرہ اولدقدہ اعلام مذ کور
مندرجاتندن منہم اولدینی اوزرہ دعوا ی واقعه
نک اراضی یه متعلق اولسنه نظراً انتخاب وتعیین
اولنان حکملرک عقد ایله کلری انجمن مخصوص
مشورہسندہ واولیابده جریان ایدن مشاورہ یی
ناطق تنظیم واعطا قلنان تقریر اوزرینه محکمہ یه
طرفینک اجرا قلنان مواجہہ سندہ اراضی
مأمورینک حاضر بولندیرلمسی لازم کلور ایکن
انجمن مذ کوره وهؤخرأ محکمہ یه اجرا قلنان
محاکمهده مأمور مومی ایلهک حاضر بولندیرلمسی
وعندالحاکمہ اقامه واستماع اولنان وضع ید
شاهد لرینک منازع فیہ اراضینک حدودینی بیان
ایتملری مقتضی ایکن بوجهتہ تعرض اولنامسی
وحکملرک ویردکاری سائب الذکر تقریر
مصالحه طرفینی حکایه دن عبارت اولهرق برکونه
حکمی حاوی اولدینی حالده تقریر مذ کوره
بنای حکم اولنمسی یولسز ومخالف قانون کورند
یکنه بناء اصول محاکمہ حقوقیه قانوننک ایکیوز
اوتوز ایکنجی وایکیوز قرق برنجی ماده لری

موجبچه اعلام مذکورک تقضيله قانون مذکورک
ایکیوز فرق دردنجی مادهسی حکمنه توفیقاً
کیفیتک یکیدن بالرؤیه اعلامه ربطی ضمننده
محکمه مذکوریه اعادهسنه وزیرده مفرداتی
مرقم درتیوز درت بچق غروش مصارف تمیزیه
نک ایلروده حقسنز چیقہ جق طرفه رجوع ایتمک
اوزره اول امرده مستدعی تمیزدن التمسنه
۱۳ مایس سنه ۳۰۸ تاریخنده متفقاً قرار ویریلهرک
تفهیم قلندی.

ایدین استیناف محکمه سنندن ۷ قانون اول
سنه ۳۰۴ تاریخی و التمش اوج عددی ایله
ویریلان اعلامک تمیزینی از میره مضاف پیکار
باشی قریه سننده مقیم عمر اوغلی ابراهیم اغا
باعر فحال استدعا ایتمدیکی حالده یوم معینده دائره
کلیوب مدعی علیه نیف ناحیهسنه تابع اولیجق
قریهسنده ساکن قره ابراهیم اوغلی حاجی حسین
اغا وکیلی عرفان بکک ورود ایتمش اولمسلیله
ایضاحات شفاهیسی استماع اولندقدن صکره
تدقیقات تمیزیه اجراسنه ابتدار قلندی.

اعلام مذکورک خلاصه مالی مزبور حاجی
حسین اغانک بااعلام محکوم ایه الاجتی بولنان بوز
عدد لیرای عثمانینک تأمین استیفاسی ضمننده
اجرا دائرهسی معرفتیه موقع مزایده یه چیقا
رتمش اولدینی پیکار باشی قریه سننده کائن تحت
تصرف و تملکنده بولنان املاکک اوج سنهک
حاصلات صافیسی مع گذشته و مصارف دینی
ایفایه کافی و مبلغ محکوم بهک الی لیراسی برادری
مصطفانک دینی ایدوکندن بچله املاک مذکورہ
نک صائلسی اموال غیر منقولہ نک فروختی
حقنده کی نظامنامه یه مقایر اولدیفندن بالمحاکمه
مزایده واقعه نک منعی مرقوم ابراهیم اغا طلب
ودعوی ایتمش ایسهده عقارات مذکورہ نک
صرف ملک اولمسلیله اجرا قانونی ایله مجله احکامنه
تابع اولسنه و نظامنامه مذکور ایسه مسققات
و مستقلات و ققیه یه متدائر اولهرق املاک صرفیه
شامل و مدیون مرقومک نقود و اموالی اولدینی
کبی مبلغ محکوم بهدن طولایی مدعینک برادری
مصطفی ایله یکدیگرینه کفیل اولهرق محکوم
بولندقرینه بناء داینک مجموع دین ایله هر برینه
مراجعتده خبر ایدوکی بیانیله مدعی مرقومک
رد ادعاسنه دائر بدایه صادر اولان اعلامک
عند الاستیناف تصدیقنه حکمدن و مستدعینک

اشبو اعلام علیهنده لایحهسنده مندرج اعتراضاتک
خلاصهسی اوج سنهک حاصلات صافیسی تأدییه
دینه کافی اولان املاکک فروختدن صرف نظر
ایدلسی اولبابنده کی نظامنامه و عدلیه نظارت
جلیله سنک تحریرات عمومیهسی احکامندن ایکن
محکمه جه بوراسنک نظر دفته التماسی مخالف
قانون اولدیفندن بچله اعلامک تقضی استدعاسندن
و مدعی علیه وکیلنک نتیجه جوابی دخی اعتراض
مذکورک واهی ایدوکی بیانیله ردی و موافق
قانون اولان اعلامک تصدیقی طلبندن عبارت
بولتمشدر.

ایجابی مذاکره اولندقدن اعلام مذکور
مندرجاتندن مفهم اولدینی اوزره مدعی ابراهیم
اغانک بااعلام محکوم به بورجنک تأمین استیفاسی
ضمننده داین حاجی حسین اغانک مراجعت
واقعهسی اوزرینه اجرا دائرهسنجه موقع مزایده یه
چیقاریلان املاکنک صرف ملک اولمسلیله اموال
غیر منقولہ نک فروختی حقنده استناد ایلدیکی
نظامنامه احکامنه تابع اولدیفندن منع مزایدهسی
حقنده درمیان ایلدیکی ادعانک ردینه قرار
ویرلش اولوب حالبوکه نظامنامه مذکورک
بالکمز مسققات و مستقلات و ققیه یه منحصر

اولیوب املاک صرفیه ده شمولی بولتمسنه نظراً
مدعی مرقومک ادعای واقعی موافق نفس الامر
اولدیفندن استماع و تدقیقه قانون دائره سنده
کیفیتک تحت حکمه التمسی لازم کاور ایکن
درجه اولی و تانیه محکمه لرنجه مار البیان نظامنا
مه یه یاکش معنی ویریلهرک ادعای مذکورک
رد ایدلسی مخالف قانون کورندیکنه بناء اصول
محاکمه حقوقیه قانوننک ایکیوز فرق برنجی
مادهسی موجبچه اعلام مذکورک تقضيله قانون
مزبورک ایکیوز فرق دردنجی مادهسی حکمنه
توفیقاً کیفیتک یکیدن بالرؤیه اعلامه ربطی ضمننده
محکمه مذکوریه اعادهسنه وزیرده مفرداتی
مرقم درتیوز درت بچق غروش مصارف
تمیزیه نک ایلروده حقسنز چیقہ جق طرفه رجوع
ایتمک اوزره اول امرده مستدعین التمسنه
فی ۲۴ ایلول سنه ۳۰۸ تاریخنده اکثریت آرا
ایله قرار ویریلهرک تفهیم قلندی.

کره بنه بدایت محکمهسی تجارت قسمندن
۱۱ مایس سنه ۳۰۷ تاریخی و اون درت عددی

ایله ویریلان اعلامک تمیزی استدایدن کره بنه
قضاسنه تابع پترول قریه سی ساکنلرندن ناشوله
ریزو و پایا استریو ایله مدعی علیه قضاء مذکور
مضاف صماتیه قریه سنده ساکن دیمتری پاپاقسطه
یوم معینه دائره یه گلدکلرندن اصول محاکمه
حقوقیه قانوننک ایکیوز یکریمی طقوزنجی ماده سی
موجبجه تدقیقات تمیزیه اجراسنه ایتدار قلندی.

اعلام مذکورک خلاصه مآلی مزبور دیمتری
پاپاقسطه نک جیرولی برقطه سند موجبجه
مرفومان ناشوله ریزو و پایا استریو ذمتلرنده
مطلوبی بولنان غیراز استیفا بیک درتیوز یکریمی
غروشک مرفومانندن تحصیل حقدنه اقامه ایلدیکی
دعوایه قارشو مدعی علیهما اساس دین طریق
انشاسی اجریتندن متولد اولوب اصیل صاحب
سند یانی وخرستویه تسلیاتلری اولدیغنی مدافعه
ادعا ایتشار ایسه ده قانوننامه تجارتک طقسان
اوجنجی و مجله نک التیوز قرق اوجنجی والتیوز
قرق دردیجی ماده لری احکامنه توفیقاً مدعی
علیهما نک مدافعه لرینک ردیه مدعا به اولان
بیک درتیوز یکریمی غروشک تحصیلنه حکمدن
ومستدعیلرک اشبو حکم علیهنده کی اعتراضلر
ینک خلاصه سی مستند ادعا اولان سندک جیرومی

قانوننامه تجارتک طقسان دردیجی ماده سی حکمنه
موافق صورتده اولدیغنی حالدیه محکمه جه تسلیات
حقدنه کی ادعایرینک ردیه مذکور جیرویه
مستنداً کندولرینک محکوم ایلمسی قانونه مغایر
اولدیغندن بختله اعلامک تقضی استداسندن
ومدعی علیه دیمتری قسطه نک نتیجه جوابی
دخی خصملرینک سرد ایلدکلری ماده قانونیه
جیرو وحواله نک صورت اجراسنی مین اولمقله
اشبو دعوایه غیر متعلق و بو جهتله اعتراض
مذکورک واهی اولدیغنی بیانیله اعتراضات
مسروده نک ردی و موافق اصول وقانون اولان
اعلامک تصدیقی طلبندن عبارت بولنمشدر.

ایجابی مذاکره اولدقدنه اعلام مذکور
مندرجا تندن منضم اولدیغنی اوزره مستند ادعا
اولان سند زیرنده موضوع اولان امضا صاحب
ینک صفت تجاریه یی حائز اولدقلری استدلال
قلتمقدنه اولسلیله محکمه جه بوجهت حقدنه تحقیقات
اجرا قلتمقسزین طرفینک صنف تجاردن عدیه
دعوانک تجارت محکمه سی صفتیه رؤیتی یولسز
اولدیغنی کبی سند مذکورده محرر جیرونک دخی
قانونک تعریفی وجهله اجرا قلناماش اولسنه
نظراً حامل سند اولان مدعی دیمترینک قانون

تجارتک طقسان بشنجی ماده سی موجبجه وکیل
صفتنده قاله جنی جهتله مدعی علیهما نک درمیان
ایلدکلری تسلیات دعوانسک استماعی لازم کلور
ایکن بوراسنه دخی دقت ایلماسی قانونه مغایر
اولدیغنه بناء اصول محاکمه حقوقیه قانوننک
ایکیوز اوتوز ایکنجی وایکیوز قرق برنجی
ماده لری موجبجه اعلام مذکورک تقضیه قانون
مزبورک ایکیوز قرق دردیجی ماده سی حکمنه
توفیقاً کیفیتک بالرؤیه اعلامه ربطی ضمننده محکمه
مرفومه یه اعاده سنه وزیرده مفرداتی مرقم درتیوز
قرق بر غروش مصارف تمیزیه نک ایلروده
حقسز چیه جق طرفه رجوع ایتک اوزره اول
امرده مستند عیلردن النسنه ۲ ایلول سنه ۳۰۸
تاریخنده متفقاً قرار ویرلدی.

بور دور سنجاعی بدایت محکمه سی جزا
دائرة سندن صادر اولان ۱۹ ذی الحجه سنه ۳۱۲
و ۳۱ مایس سنه ۳۱۱ تاریخ وسکسان نومرولی
اعلام مع اوراق متفرعه باش مدعی عمومیلک
مأموریت علیهنسندن ۲۱ ربیع الاول سنه ۳۱۳

و ۳۰ اغستوس سنه ۳۱۱ تاریخ و بیک اوجیوز
سکسان بدی نومرولی تبلیغنامه ایله محکمه تمیز
جزا دائره سنه کوندرملکله مطالعه اولندی.

اعلام مذکورک مآلی چلنکجی چفتلک هایونی
ساکنلرندن بوز احمد اوغلی حسنی چاوش
مخدومی مرادک ماده قتلندن دولایی جنایتله اتهام
اولنان مذکور چفتلک اهالیسندن کوچک علی
اوغلی حسنک اجرا قلنان محاکمه علیه سنده من غیر
تعهد قتل مذکور جزای ثابت اولمقله اولوجهله
عجر میتنه وجزا قانوننامه هایوننک یوز یتش
دردیجی ماده سنه تطبیقاً بعد التشهیر اون بش سنه
مدتله کورکه قونلمسنه ۲۰ مایس سنه ۳۱۱
تاریخنده حکم ایلدیکنی حاویدر.

تبلیغنامه ده دخی قاتلک خبر ویریلان افراری
قتلک خطاء وقوعه دائر اولدیغنه و بو حالی
مکذت برکونه دلیل واماره اولمیوب بالعکس
قتلک لیلاً وقوعه بولمسی وقاتلک بعد الوقعه
مقتولک باشی اوجنده بولنمی ویدیلرنده عداوت
وزراع اولماسی صورتلری قتل مذکورک
خطاء وقوعه دلالت ایدراحوالندن اولدیغنی
حالدیه ترلاده برانسان بولندیغنک متهم مرفوجیه

بیانسی طبیعی ایدوکنه « مطالعه سیله لاحق اولان مذکور حکومه اصبت اولدیغندن بخله اعلام مذکور قضی طلب ایدلمشدر .

اوراق سائرہ مألرینه دخی کسب اطلاع ایدلدکد نصکره تدقیقات تمیزیه اجرا اولندقدہ تبلیغنامہ مندرج اعتراضاتک مجرمیت قرارندہ « ترلادہ بر انسان بولندیغنسک متهم مرقوجہ بیانسی طبیعی ایدوکی ، بولندہ واسباب موجہ صرہسندہ مندرج اولان عبارہنک قانونی اولما مسندن ناشی بوکا دائر اولان اعتراض بجا ایسده ماعداسی تقدیرہ متعلق بولنسیله اسباب قضیہدن اولبوب انجق مقتولک بعد الجرح بر قاج ساعت بر حیات قالدینی استماع اولنان شهود دن بعضیسی طرفندن خبر ویرلمش اولدینی حالده نہ صورتله جرح اولدینی حقیقہ بر افادہسی سبق ایتمشمیدر ایتمش ایسه نهدن عبارتدر وایشیدنلر یوقیدر بو بایده تعمیق تحقیقات اولنماش اولدینی کبی شهود علیہندہ عند الحاکمہ در میان اولنان طعنہ دخی جواب ویرلماش ایدوکی اعلام مذکور مآلندن اکلا شلمسنہ واحوال مذکورہ ایسه

اصول محاکمہی محل ونقض حکمی مستلزم اسبابی قانونیہدن بولنسنہ بناء اصول محاکمات جزائیہ قانونیک اوچوز اون دردیجی مادہسی منظوقنجه اعلام مذکورک تقضنه وایکی یوز غروش تمیز اعلامی خرجنک محکمہ تمیز جزا دائرہسنہ کوندیرلک اوزرہ تحصیلنہ ۵ ایلول سنہ ۳۱۱ تاریخندہ قرار ویرلدی .

فی ۱۳ ربیع الاخر سنہ ۳۱۳
وفی ۲۰ ایلول سنہ ۳۱۱

اعلان

شایسته خانک سری بک ذمتندہ با اعلام الاجنبی بولنان مبالغت تأمین استیفا سی ضمتندہ تحت ججزہ النان اسکدارده طوبخانہلی اوغلی

جوارندہ فسقیلی قریہسندہ محمود پاشانک کوشکنک ارقہ زقاغندہ سککز نومرولی تخمیناً اون التی دونم مقداری بر قطعہ مع باع ترلادن متصرف اولدینی حصہ شایعہسی عند المزایده لیرا یوز غروش حسابیلہ ایکی بیک سککز یوز غروشده طالبی عہدہسندہ تقرر ایدرک تاریخ اعلاندن اعتباراً برماہ ختامندہ اجرا قانونی احکامنہ توفیقاً قرار قطعسی ویریلہ جکی جهتله یوزده بش ضمیله زیادہ به طالب اولنلرک مدت مذکورہ ظرفندہ اسکدار بدایت محکمہسی اجرا دائرہ سنہ مراجعت ایلماری اعلان اولنور .

فی ۵ تشرین اول سنہ ۳۱۱

معلومہنک تأمین استیفا سی ضمتندہ مدیون مرقومک خانہسندہ موجود اشیادن کفایت مقدارینک ججزیلہ فروختی بک اوغلی بدایت محکمہسی زیاست اولیسی جانبندن تحت قرارہ التمش اولغلہ بر موجب قرار بر عدد مشتمل بیانو ایله بر عدد قنایہ وایکی عدد قولتق و بوکا مماثل اشیاء سائرہ تحت ججزہ التمش اولدیغندن شهر حال رومینک اون دردیجی جمعہ ایرتسی کونی ساعت یدی رادہ لرندہ بات بازارندہ بالمزایده فروخت اولنہجنی بک اوغلی بدایت محکمہسی اجرا مأموریتی جانبندن اعلان اولنور .

فی ۵ تشرین اول سنہ ۳۱۱

طوسون افانک ^{۳۱۲}/_{۳۱۳} نومروسیله مقید اعلام موجبینجه حسن تحسین افندی ذمتندہ محکوم به الہجنی اولان معلوم المقدار مبالغتک تأمین استیفا سی ضمتندہ مواضعاً آخرک عہدہسندہ

یفورتجی اوغلی علیکساندیرونک ^{۳۱۲}/_{۳۱۳} نومروسیله مقید اعلام موجبینجه استاوری الاثمی ذمتندہ محکوم به الاجنبی اولان معلوم المقدار مبالغ

خاننده الت قاتنده واقع يكرمي ايكي نومرولى
 اوپه ايله ينه خان مذ كورك الت قاتنده واقع
 بر نومرولى دكانك ويكرمي ايكي نومرولى
 اوپه نك بتون ملك وكديكي ايكي حصه اغاربيله
 بر حصه سي وبر نومرولى دكانك نصف ملك
 وكديكنك اون بش كون صكره بالمزايدة فروخته
 تشبث اولنه جنى در سعادت اعلامات نظاميه اجرا
 دائره سندن اعلان اولنور .

في ۱۱ تشرين اول سنه ۳۱۱

مقيد بولنان غلطه ده سلطان بايزيد محله سنده قلنج
 على پاشا جاده سنده كائن محجوز اولان ۱۷۷
 نومرولى برباب منزل ايله تحتنده واقع ۱۷۳ و ۱۷۵
 نومرو ايله مرقم مغازه لرك نصف حصه لرينك
 فروختي تحت قراره التمش اولمغله تاريخ اعلاندن
 اعتباراً اون بش كون صكره بالمزايدة فروخته
 تشبث اولنه جنى بك اوغلى بدايت محكمه سي
 اجرا مأموريتي جانيندن اعلان اولنور .

في ۷ تشرين اول سنه ۳۱۱

نوبر وشاذ مند خانلرك در سعادت بدايت
 محكمه سي برنجي حقوق دائره سندن استحصال
 ايلدكلى اعلام موجبجه يورغانجى اصنافندن
 فائق افندى ذمتده محكوم به الاجقلى اولان
 معلوم المقدار مبالغك تأمين استيفاسى ضمننده
 مديون موسى اليهك مالى اولوب محجوز وفرو-
 ختى قرار لشديريلان چارشوى كيرده على پاشا

(مطبعة عامره ده طبع اولمشدر)